


## Lección 1. Gug

Toby gug racma ru chi ityrunima gan guldma. As guim lo dul ni na toby bnia reybyma:

— Bguy do cuan guia ti yaca.

— Guen — reyby dulgui. Bdediny lany chi bra guel teru xi racma.



## Lección 2. Ruu

Toby guelt toby nana rutsa rioblazba, per lo ni riob lazba brib chi bielazba ni seuba ruu lizba chi seb manada.


Chu guld udxì ubire chi unab la becu caza xquetba asa merte isarabni diz zesobruumni.

As cuab day yag güib detzma axtis brim detzguer.



### Lección 3. Yuu

Nuu toby yuu nirute tu chuny tepacza tu runi gann chu leyni. Raterani rcaz churii ityrunirani gan, esque rnirab ri guc liz toby ricu dxab. Purzi sob tiz yuugui rii tetu rcualo lani saczi nani zii.



## Lección 4. Buu

Tobygui güizii toby lii buu per.  
Ityracbeby cayeny nabi, chi buiby naby chini  
urixtiby:


— ¡Tunde cana!

Chi gucbeby buuni nienaby chiru uzaloby rzixby  
diz bldyni.




## Lección 5. Gay

Leny dany Cruz rnirab nu toby gay, ni na toby gay galnazac perchi tetu runi gan inez lam. Chi nuusy ni rgüii lam balguit diz rnitlom chi zit zit rdicazacm. Chi bal lam gatyma ati bra galnazac ni nu ri ati bieny probny.




## Lección 6. Rob

Nuu ra biny rnirab nuura cos na dux. Balna zii rob  
rnirab ityxcuend chuuny iqui ra bnii. Ti bal lany  
chuni iquireiby chi biniuux rcareiby.  
Ningla rate biny ity rzanrab chuu rob iqui lliinyrab.



## Lección 7 Lobaa

Lo guedx xnill rutsa nura ra cuan rmedy, rutsa guen nareni par la galguidx bichi nura bdadi, bldag ni ra lobaa xte ra yag. Runireny rmedy biny mas binigul mas bnii gu mas bdoobez raloreny nureny rii. Ra ulliz cun ra bnia pur lareny rcarab.



## Lección 8. Guel

Toby bnii guldaxby toby nit guel detz toby dany chi zenebny, chi una rabyguinii raterab rbixitrab laza rnirab pad juisni gac chagnarab lo Dios, tanta rdxibrab lo cadxibyrab chi unarab la bnigui brica cun guelgui. Caxsa gac juis.





## Lección 9. Duu


Reyby toby dad lo llinba:

—Adane duu icá beecu.

— Güen —reiby, nomas alca toby bduu güineby,  
chireyba:

—Toby duu ity toby bduu.

— ¡Ah! Esque itynienia xiny naguibu —reybi.



## Lección 10. Nan

Nuu toi by nan rutza lajba. Tete tu runy gan isen xtuy lab, per toi by güelt, biaba lo yu chi gucnaduxba, chi nagaatib rii. Loni nagaab chi brica toi by binyngui u reiby lob:

¿Xina runiuu ruu?

¡Aaaaa! Rende naga a cazilaza doo —reibyba. Lab xix igüeb didx loyunii güib.




## Lección 11. Cob

Cacua toby lii cob, per tant rallbi icuabyni, as usalo caguitby lany, bcaby dony iqui yuu chi stony bcabi texlee, chi bdzin xumabi unab ratenii reyba loby:

— ¿Xinde beniu?

— ¡Ah! esque toby gurau roo bdediru chi na texi caa chaalam purzi dotis cob bca lam com nigtisany caa. Xumaby itygagsacba nildilazba con buib la stony ca iqui yuu.



## Lección 12. Idoo

Tiempgui guedx xinill uriny lay ra dany etru  
rnirab diza “lad idoo” per toby dxi raa dozi ra Bingui  
benirab lligab quilrab stoby loguar mazru nazac par  
churab ni chusara xanimalrab zicnigui guc chi  
btzinirab axta etru ri guedxga na.




## Lección 13. Xig

Chi abga tiemp ni rla guel rate ra biny dexp  
ruirab prebnid, yo xig yee cun charii ti chí lda guel  
anu xi cun chisenrab cob loynia.

Bal ity yora xiggui mas ritinyrabni, per napac par  
chinerab ra xig yaggui par idaa cobyee.

Zi nany lo guedx xnill.



## Lección 14. Paroo

Toby guelt toby paroo bilgul binygulee benyba xigab chicansab nes leny dany, chi ulucheb xquetba. Per lo xcalbingulba otyru rgusacba pursi buitisa nani lady cuanbnii btoby xquetba. Chiru senetib toby llagaba , perlony sesarab lab ausalo caldianba chi usobrab ti iquirab guet lab uleb xquetba chu bui llagba ityxa sobryettinii cany lony alca day sudy bdoonii laby tetiz xi reybi par ity ni salo rniab, per siza ityby ni quinyby guetgui.



## Lección 15. Tuchy

Toiby güelt, toibybnii guby leenydany chi beetiby toiby tuchy. Chi zineby lam rulizby. As unibeby xumabi benche lam. Audxi güi xcuniadby rulizby, nomas ruztsa narangu rguitnebynii chi uredxbiny güiquineny laby guet, per loby ityby nigüeby didx xi belgui caquinreiby ulezby axta bialo bquini chirureiby bel tuchinybquineny laby.



## Lección 16. Chiny

Lo gudx xnill bui toby dad chi anste ni ica Dios lab gui toby biny nua ru lizba.

Toby rzily sobba lo bcha chi bienba cany toby binydxap chi unab lany brica zquin lisba sebigny etru sobba,

Percha unab xizi nany chi rebyba, tu biny lii tu lau chi xi zieduree zaczi una rut nales rliunii. Toby una chiny chinii bquizda bquitzdab yed toby vestid ngas nuu yeequitzi nacuba cun day lady nuu iquiba, per ityba niva tu binyba sino que dzinytis bnabba, perchi bienba tecany biubiequiba sitib per tetu racbee canez.






## Lección 17. Sobryet

Ra biny unaa runirab lo sobryet, nuni ruyni cun gull bichi, nuza ni ruyni lo maqui gu nuzarab ruynicherab canruny cun naarab com loguedx ladxnu xitiz toiby mandadgui purzi sobryet rcarab. Balna ra mbaly chi icarab xchinguagrab napc napar guieu toiby sobryetroo lony.



## Lección 18. Zee

Toiby dad chedux guc xquelba per rutza yachyba itynab itoob zee niza llob per tantsa rdzireb biny chi ra bingui rguderab lab, per toiby dxi zoba detziu cazilazba. Chi unab la dora many llob carii leeniu etru ri xnizba chi güigüib per xiru niz cui rateeny unitlony.




## Lección 19. Mely

Rgüe ra bingul diidx, nura biny dxagrab binydxab chi rapduxrab mely ra binigui rnirab ricudxab. Larab raprab mely per ityza gac gunyrabni gast cuentiz. Nuü ni ran axta gues dxany ruu lizrab, per xliaagzani raprabni com lailla gac gunirabni gast purni ity mely sactini. com binidxabguinii rcua gacni gast.



## Lección 20. Dximy

Ra biny xnill par guncherab toby dximy quinyrab, chi tiugrab yagxtilyra ru gueu, nomas purzi ra ni reeny doo. Chiru rbequirb gay axtacuideny. Chi auri cobdegui chiru riuu yagxtiligui leyni apar guinib duxny ti ity chequiny, napar gu gustisny ti gac tiugni chi yetny.



## Lección 21. Llobnily

Tiempgui chi cady bcha chuu, purzi candily rcagui ru liz ra biny. Toiby güeltgui toiby nan cazobba llobnily auxini doiby nacay. Bzúb llob chi bzeldbany lo nis, per logüarde ni zeldba giiu lony alcá degiu bzelba lony purzi nisa nilliu llobnily gui.



## Lección 22. Cuneju


Toiby güelt ri dora biny leeny dany cayunirab dziny. Chi unarab toiby guedy narii, chi leeny guedygui rniby toibynii. Rzalazrab cunejunii chiy rsesirab ubigrab ruu guedgui, perchi gucberab nezcuegui rdica ruu guedygui.

Chiy usugaa toiba toibylad chi stoiba stoiba stoibylad cabezrab xior irii cunejugui. Perchi brinii itylla cunejutiny diz toiby güagroni.



## Lección 23. Beetz

Aguxchidux ziti 1968 lo guedx xnill uridux beetz ni riuu lo lady ques irate biny biuu lam. Bnii, binngul biulam, per gazob tiop beuu ried ra gulde riedzeldrab de leeny xab ra bnii cun lora ladguitchi ziitiz guc unitlo ra beetz duxgui.



## Lección 24. Iqui

Leeny radxi dusan ricún ra bnii guib, rcasareiby leeny sinter par itedireiby gueel icunreiby guib, per ziti ruld geel, toiby mnigui güizabyloby nez ruu sinter, chi unaby toiby biny xte iquinii, bdxibiduxby ubireiby etu ri stoorebgui chi reibi tu bgüibi. Rareiby güigüireibynii ditiz gucnaldiaareiby tantza bdxibyreiby zixuntireiby leeny idoo ti rza loreiby nal dtiznii lareiby, rnii ra biny haxta na ranrabnii rii.






## Lección 25. Dzít

Rnira biny xnill dec etru na idoo doibyte gayagui bgatz biny tiempgui. Chi uzalo cayacra yuu nez layguexga chi rutza stal dzít xte biny guty bririi, per negagsa chi udedy ra carranz nezgui chi negag doranii guti rii purzi mazru stal dzít bri rii.




## Lección 26. Bziny

Toiby güelt, toiby nan aza guxteb suldib chi as uzobgaab iqui dora gui, per loni usobba chi bniby ra guigui chi brii toiby bziny rii dis cuam leeny xabba chini catiestispaczacba lam xixsanagam irim. Chiru mijor udib iquima doiby num leeny xabba ti gutma chiru biabma.



## Lección 27. Bzuu

Tiempgui nura yuu nacche cun bzuu. Chi rcazrab guniurab toiby lizrab rguilrab etru nuu yuzac ti rii rilderabni Chi nurany rberabny par tony. Ru salin rii rutza rilderabiny yu rii, com rniirab rii nu yuzac yu naaty ti chizanii rdizac ra bzuugui axtaza yuu rdizac cun ra bzusalingui.



## Lección 28. Latsguib

Rguera biny ladxa diix dec ru latsguib ni na rii nadxabzi nany.


Tobygui bieu toby dad lengui chi zity ruld guel

Rieniba rguerani dix la riemba purzi rtzii binynguiiu  
perchi bguib dora bnidxapni per zidy rtzii biny nguiiu nuu  
rtziiireby er rguerereby didx rguitreby rllizreby chini gucbeb  
ity

Binyzactiny purni lony sesareby dis dis canitloreby.



# LECCION A



# LECCION B

<b>D</b>	<b>a</b>	<b>B</b>
<b>G</b>	<b>y</b>	<b>Q</b>
<b>O</b>	<b>D</b>	<b>Q</b>
<b>Y</b>	<b>r</b>	<b>U</b>
<b>f</b>	<b>l</b>	<b>T</b>
<b>B</b>	<b>d</b>	<b>P</b>
<b>E</b>	<b>B</b>	<b>F</b>
<b>U</b>	<b>n</b>	<b>M</b>

# LECCION C

<b>guun</b>	<b>bedi</b>	<b>chiv</b>
<b>bichi</b>	<b>lluu</b>	<b>bdi</b>
<b>dximy</b>	<b>tam</b>	<b>gast</b>
<b>chee</b>	<b>guel</b>	<b>calo</b>
<b>bsen</b>	<b>too</b>	<b>zit</b>
<b>bion</b>	<b>ido</b>	<b>güiu</b>
<b>chit</b>	<b>can</b>	<b>xteny</b>
<b>guetzi</b>	<b>dzil</b>	<b>cob</b>